



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11-05-38-33820-1/19  
Sarajevo, 18.11.2019. godine

27.11.19  
0101-11022/19

1. **SENAT UNIVERZITETA U SARAJEVU**

Sarajevo, Obala Kulina bna 7/II

2. **STUDENTSKI PARLAMENT UNIVERZITETA U SARAJEVU**

Sarajevo, Obala Kulina bna 7/IV

**PREDMET:** Mišljenje, *dostavlja se*

*Poštovani,*

zahtjevom Univerziteta u Sarajevu od 30.09.2019. godine zatraženo je tumačenje tačke VII Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (od 11.06.2009. godine), a po Zaključku Senata Univerziteta u Sarajevu, broj: 01-28-148/19 od 25.09.2019. godine.

S tim u vezi informišemo vas o sljedećem:

Tačka VII predmetne Odluke glasi: *Studenti koji obnavljaju godinu studija uplaćuju do 100,00 KM za svaki nepoloženi ispit, s tim da ukupan iznos (uključujući i upisninu) ne može preći visinu troškova studija iz tačke III ove odluke.*

Tačkom III Odluke utvrđene su cijene visine troškova studija po jednoj studijskoj godini za sve cikluse i za sve statuse studenata koji sami snose troškove studija.

Član 164. stav (6) Zakona o visokom obrazovanju glasi: *Redovni student koji se finansira sredstvima osnivača na Univerzitetu ima pravo u toku prvog ciklusa studija odnosno integrisanog studija jedanput obnoviti studijsku godinu zadržavajući taj status. Ukoliko redovni student više od jednom obnavlja godinu studija u toku prvog ciklusa studija odnosno integrisanog studija gubi status budžetski finansiranog studenta, ali može nastaviti studij u statusu redovnog samofinansirajućeg studenta.*



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



Dakle, ukoliko student čiji se studij finansira iz Budžeta Kantona Sarajevo prvi put obnavlja studijsku godinu u toku ciklusa studija, a da pri tome zadržava status redovnog studenta u skladu sa članom 164. stav (6) Zakona o visokom obrazovanju, **prilikom obnove studijske godine plaća upisninu, jer takav student zadržava sva prava redovnog studenta.**

Skrećemo pažnju da je u tački I alineja 24 Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu („Službene novine Kantona Sarajevo“, br.: 19/09, 31/12, 36/12, 04/15 i 15/15) propisana visina upisnine za redovne studente koji se finansiraju iz Budžeta Kantona Sarajevo, a obnavljaju studijsku godinu.

Ukoliko student koji obnavlja studijsku godinu gubi status budžetski finansiranog studenta i nastavlja studij u statusu **redovnog samofinansirajućeg studenta, prilikom obnove te studijske godine plaća upisninu kao i novčani iznos po svakom nepoloženom ispitu (do 100 KM) s tim da ukupan iznos (uključujući i upisninu) ne može preći visinu troškova studija iz tačke III Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu.**

Kada takav student, koji je izgubio status redovnog budžetski finansiranog studenta i prešao u status redovnog samofinansirajućeg studenta, ispuni uslove za upis u narednu studijsku godinu prilikom upisa naredne studijske godine plaća puni iznos školarine propisane tačkom III Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu.

**Studentski parlament Univerziteta u Sarajevu je svojim aktom od 04.10.2019. godine zatražio pojašnjenje na tri postavljena pitanja:**

1. Da li student, nakon što upiše drugu obnovu i time pređe u status samofinansirajućeg studenta, prilikom obnove godine plaća puni iznos školarine (na osnovu Odluke Vlade KS broj: 02-05-19288-9/09 od 11.06.2009. godine) ili obnovu plaća kao i ostali samofinansirajući studenti, a školarinu uplaćuje kada se upisuje po prvi put u narednu studijsku godinu?
2. Da li student ima pravo svaku studijsku godinu obnoviti po jedanput ili se obnove zbrajaju u toku trajanja ciklusa (jedna obnova u toku trajanja cijelog ciklusa studija)?
3. Da li se u zbir mogu uzimati obnove retroaktivno (ukoliko je student obnovio godinu prije stupanja zakona na snagu)?

S tim u vezi informišemo vas o sljedećem:

1. Na prvo pitanje je odgovoreno prilikom pojašnjenja Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu po zahtjevu Univerziteta u Sarajevu.
2. Član 164. stav (6) Zakona o visokom obrazovanju glasi: *Redovni student koji se finansira sredstvima osnivača na Univerzitetu ima pravo u toku prvog ciklusa studija odnosno integrisanog studija jedanput obnoviti studijsku godinu zadržavajući taj status. Ukoliko redovni student više od jednom obnavlja godinu studija u toku prvog ciklusa studija odnosno integrisanog studija gubi status budžetski finansiranog studenta, ali može nastaviti studij u statusu redovnog samofinansirajućeg studenta.*



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



Ovom zakonskom odredbom je nedvosmisleno i jasno propisano da redovni budžetski finansiran student ima pravo jedanput obnoviti studijsku godinu u toku prvog ciklusa studija odnosno integrisanog studija zadržavajući taj status.

3. Bez obzira na eventualne obnove studijske godine izvršene prije stupanja na snagu Zakona o visokom obrazovanju („Službene novine Kantona Sarajevo“ broj: 33/17), prva obnova studijske godine nakon početka primjene ovog zakona ne znači gubitak statusa redovnog studenta koji se finansira iz Bužeta Kantona Sarajevo.

Kao što je naprijed rečeno, nakon stupanja na snagu Zakona o visokom obrazovanju redovni student koji se finansira sredstvima osnivača ima pravo u toku prvog ciklusa studija odnosno integrisanog studija jedanput obnoviti studijsku godinu zadržavajući taj status. Svaka naredna obnova studijske godine podrazumijeva gubitak statusa redovnog studenta koji se finansira budžetskim sredstvima.

S poštovanjem,



**Dostaviti:**

- Naslovu,
- a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



